

L I G J
Nr. 8640, datë 13.7.2000

**PËR RATIFIKIMIN E “PROTOKOLLIT TË DYTË SHITESË TË MARRËVESHJES PËR
KRIJIMIN E FORCËS SHUMËKOMBËSHE TË PAQES TË EUROPËS JUGLINDORE”**

Në mbështetje të neneve 78, 83 pika 1 dhe 121 të Kushtetutës, me propozimin e Këshillit të Ministrave,

K U V E N D I

I REPUBLIKËS SË SHQIPËRISË
V E N D O S I:

Neni 1

Ratifikohet “Protokolli i dytë shtesë i “Marrëveshjes për krijimin e Forcës Shumëkombëshe të Paqes të Europës Juglindore”, nënshkruar më 30 nëntor 1999.

Neni 2

Ky ligj hyn në fuqi 15 ditë pas botimit në Fletoren Zyrtare.

Shpallur me dekretin nr.2702, datë 19.7.2000 të Presidentit të Republikës së Shqipërisë, Rexhep Meidani.

**PROTOKOLLI I DYTË SHITESË I MARRËVESHJES PËR KRIJIMIN E FORCËS
MULTINACIONALE TË PAQES TË EUROPËS JUGLINDORE**

Shtetet palë të marrëveshjes mbi Forcës Ndërkombëtare të Paqes së Europës Juglindore, nënshkruar në Shkup më 26 shtator 1998 dhe Protokollit Shtesë, nënshkruar në Athinë më 12 janar 1999,

Duke riafirmuar angazhimin e tyre ndaj synimeve e parimeve të siguruara në dy dokumentet në fjalë,

Me dëshirën për zhvillimin e mëtejshëm të kooperimit ndërmjet tyre dhe fuqizimin e kapaciteteve ndërhyrëse për rastet emergjente e krizat humanitare,

Me gatishmërinë për krijimin e detajeve dhe amendamenteve në mbështetje të mbështetje të Marrëveshjes në fjalë, kanë rënë dakord sa vijon:

Neni 1

Palët krijojnë ndërmjet tyre një Forcë Ndërhyrëse Xheniere (Engenner Task Force) në përputhje me dispozitat që jepen në nenet e mëposhtme.

Neni 2

1. Përveç organizimit ekzistues dhe përgjegjësisë të Brigadës Ndërkombëtare të Paqes së Europës Juglindore, formohet një Forcë Ndërhyrëse Xheniere (FNXH) e përbërë nga repartet e siguruara nga Palët, rast pas rasti, e përshkruar në Aneksin A bashkëlidhur këtij Protokoll, dhe mbi dispozitat e Nenit 5 të këtij Protokoll, ajo do të jetë në komandimin dhe drejtimin e Brigadës Multinacionale të Paqes të Europës Juglindore.

2. Këndvështrimi i formimit të FNXH-së është t’u sigurojë Palëve kapacitetet ndërhyrëse për rastet emergjente e krizat humanitare.

3. Kjo iniciativë orientohet drejt një asistence civile të shkallës së ulët.

Neni 3

1. Kjo forcë do t'i sigurojë mbështetje të menjëhershme popullsisë lokale duke vepruar në mënyrë të pavarur ose bashkë me një organizëm përkatës ndërkombëtar.

2. FNXH do të drejtojë, sipas vendimeve kombëtare, projekte të vogla kooperuese të niveleve të ulëta në fushat e mëposhtme:

- a. Riparime dhe ndërtime të kufizuara rrugësh
- b. Riparime dhe ndërtime të kufizuara urash
- c. Riparime të kufizuara të hekurudhave
- d. Rrëshqitje dheu
- e. Drenazhime
- f. Çminime të kufizuara dhe pastrime të municioneve të paplasura
- g. Në ndonjë fushë tjetër nëse do të bihet dakord.

Neni 4

Palët kontribuese do të vënë në dispozicion të FNXH reparte xheniere në varësi të misionit dhe vendimeve kombëtare. Kjo Forcë do të jetë forcë e "gatshme".

Neni 5

Me qëllim realizimin e iniciativës së mësipërme, është rënë dakord të ndiqen fazat e mëposhtme:

1. Faza I (fillestare):

a. Komandim-Kontrolli do të realizohet nga Komandanti i Brigadës Multinacionale të Paqes së Europës Juglindore.

b. Gjatë operacioneve pa kriza, 2 oficerë që do të realizojnë funksionet planizuese, do t'i shtohen seksionit ekzistues të xhenios në Shtabin e Brigadës.

c. Gjatë operacioneve në periudhë krize, do të krijohet një seksion xhenier për krizën, i cili do të drejtohet nga një Oficer Xhenier me gradën n/kolonel, që do të sigurohet nga vendi i Komandantit të Brigadës.

d. Çdo palë, e cila do të marrë pjesë në operacion, do të dërgojë një oficer xhenier në seksionin xhenier të krizës. Kur është e mundur, palët që marrin pjesë në operacion, do të transferojnë oficerat e tyre nga seksioni i xhenios së Brigadës për në seksionin e xhenios për krizat.

2. Faza II

Bazuar në eksperiencën e fituar gjatë fazës I, palët mund të vlerësojnë mundësinë për një alternativë që për këtë Forcë, rregullimet e komandim-kontrollit në varësi të Komitetit Drejtues Politik-Usharak të Brigadës Multinacionale të Europës Juglindore të jetë paralel me Brigadën Multinacionale të Paqes së Europës Juglindore.

Neni 6

Palët bien dakord të krijojnë Rrjetin e Informacionit të Krizave (RIK), fillimisht një sistem menaxhimi të Informacionit PfP (PIMS) të orientuar në mbështetje të kësaj Force. Komandanti i Brigadës dhe Palët janë të ftuara të angazhojnë (RIK) për të zgjeruar në maksimum mundësitë praktike të këtij rrjeti.

Neni 7

1. Në situatë krize, Kryetari i Komitetit Drejtues Politik-Usharak të Brigadës Multinacionale të Paqes së Europës Juglindore, me propozim të një Pale ose me iniciativën e Tij, mbledh Komitetin Drejtues Politik-Usharak me qëllim diskutimin e situatës dhe formulimin e propozimeve për t'u miratuar nga Ministeriali i Mbrojtjes me qëllim sigurimin e udhëzimeve të posaçme për Komandantin

e Brigadës.

2. RIK është krijuar për të shërbyer si burim informacioni dhe linjë komunikimi midis Komitetit Drejtues Politik-Ushtarak, Komandantit të Brigadës Multinacionale të Paqes së Europës Juglindore dhe Palëve.

Neni 8

1. Përveç rasteve kur bihet dakord nga Palët, vetëm ato palë të cilat marrin pjesë në projekte ose operacione krizash, do të jenë përgjegjëse për financimin e tyre. Për më tepër, Komiteti Drejtues Politik-Ushtarak i Forcës Multinacionale të Paqes së Europës Juglindore do të ekzaminojë resurset alternative të financimit, si janë: Bashkimi Europian, Banka Botërore dhe NATO.

2. Projektet do të drejtohen si stërvitje shumëkombëshe.

Neni 9

Shtojcat 1, 2 dhe 3 të Aneksit A, dhe Shtojca 2 dhe 4 (faqja 4-4) e Aneksit C të Marrëveshjes për Krijimin e Forcës Multinacionale të Paqes së Europës Juglindore zëvendësohen nga Shtojcat bashkëlidhur Aneksit B të këtij Protokolli.

Neni 10

1. Ky Protokoll është pjesë integrale e Marrëveshjes për Krijimin e Forcës Multinacionale të Paqes së Europës Juglindore, nënshkruar në Shkup më 26 shtator 1998 dhe Protokollit të nënshkruar në Athinë më 12 janar 1999.

2. Ky Protokoll hyn në fuqi, kur të gjitha Palët vërtetojnë depozitimin e tij, pas kompletimit të të gjithë procedurave legale në Shtetet e tyre.

Nënshkruar në Bukuresht më 30 nëntor 1999 në 7 kopje origjinale në gjuhën angleze.

Në emër të Palëve të Marrëveshjes:

Firma

Zoti Ilir BOÇKA, Zëvendësministër i Mbrojtjes

Firma

Zoti Gueorgui ANANIEV, Ministër i Mbrojtjes

Firma

Zoti Nikola KLUSJEV, Ministër i Mbrojtjes

Firma

Zoti Apostolos TSOHATZOPOULOS, Ministër i Mbrojtjes Kombëtare

Firma

Zoti Carlo SCOGNAMIGLIO, Ministër i Mbrojtjes

Firma

Zoti Victor BABUIC, Ministër i Mbrojtjes Kombëtare

Firma

Zoti Sabahattin Cakmakoglu, Ministër i Mbrojtjes

ANEKSI A
KONTRIBUTET KOMBËTARE

Kombi Nr. 1: Një kompani xheniere

Kombi Nr. 2: Një kompani xheniere

Kombi Nr. 3: Një kompani xheniere

Kombi Nr. 4: Një shtabin e Regjimentit Xhenier (me një kompani të këtij regjimenti).

Kombi Nr. 5: Një togë xheniere

Kombi Nr. 6: Një kompani xheniere

Kombi Nr. 7: Një kompani xhenio-ndërtuese